

ԲԱՆԱՍՏԵՂԾԱԿԱՆ**ԻՆՉԻՂ Է ՊԷՏՔ**

Տէ՛ր իմ,
 Փառքիդ համար սուրբ տաճարներ
 Անպակաս են մեր աշխարհում,
 Իսկ գեղակերտ այդ կառույցներն
 Համեստութեամբ են միշտ փայլում:

Նաեւ այսօր բարձրացնում են
 Պաշտամունքի բազում տներ,
 Եւ այդպիսով շատ հարուստներ
 Իրենց խիղճն են փորձում մաքրել:

Լաւ չէ, սակայն, փողովն այլոց
 Շինարարի անուն հանել
 Կամ կառուցմամբ տաճարների
 Արդարացում ակնկալել:

Տէ՛ր իմ,
 Դու կարօտ չես մեր ձեռակերտ
 Կոթողներին երկնասլաց
 Կամ խնկերին բազմաբուրեան,
 Սպասներին ոսկեղրուագ:

Մի որբ գնաց աղօթելու
 Նորակառույց այն տաճարում,
 Ուր նիւթական ճոխութիւնը
 Իր շեփորներն է հնչեցնում:
 Եւ այդ որբին աղօթասէր
 Ձեղանք երբեք մենք կարեկից,
 Ժպիտն անգամ իբրեւ նուէր
 Չփորձեցինք տալու նրան:

Տէ՛ր իմ,
 Ինչի՞դ է պէտք ճոխ տաճարը.
 Երբ մեր հոգին չենք վերածել
 Մի ճշմարիտ աղօթատան
 Սրբանուէր ծառայութեամբ:

ՅԱԿՈԲ ԱՐՔ. ԳԼՆՃԵԱՆ